

20/09/2000

Seminar mengenai pakaian Melayu

KUALA LUMPUR, Selasa - Pusat Kesenian Islam Malaysia akan menganjur seminar sehari bertajuk `Islam dan Pakaian Melayu' Sabtu ini, bagi membincangkan isu berkaitan pakaian dari perspektif Islam.

Ketua Kurator Muzium Kesenian Islam Malaysia, Dr Mandana Barkeshi, berkata seminar itu diadakan sempena pameran `Pakaian Untuk Tubuh, Tubuh Untuk Pakaian,' yang dirasmikan Perdana Menteri Datuk Seri Dr Mahathir Mohamad, pada 29 Jun lalu.

Katanya, walaupun bentuk dan fungsi pakaian tidak bergantung kepada agama, undang-undang Islam menyediakan beberapa garis panduan berhubung cara berpakaian.

"Ini termasuk fabrik dan warna yang dipilih. Malah, ini merangkumi tudung yang dipakai oleh wanita Islam. Penggunaan tudung sudah bermula sejak zaman pra-Islam lagi," katanya pada sidang akhbar di sini hari ini.

Sementara itu, Mandana berkata, sambutan orang ramai terhadap seminar itu amat menggalakkan, terutama penuntut Universiti Teknologi Mara (UiTM).

"Ini kali ketiga Pusat Kesenian Islam mengadakan seminar itu yang mana kali terakhir diadakan Jun lalu dan dibuka kepada pelajar saja.

(END)